

اتوار 2 اگست، 2020

مضمون۔ پیار

سنہری متن: 1 یوحنا 4 باب 16 آیت

یوحنا 6 باب 37 آیت

”زب پیار اے۔ جیہڑا کوئی میرے کول آئے گا میں اوہنوں بالکل نہ کڈھ دیواں گا۔“

جوابی پڑھائی: لوقا 6 باب 27، 31، 33، 35، 36 آیتاں

27۔ میں تہانوں سنن والیاں نوں آکھداواں پئی اپنے ویریاں نال پیار کرو۔ جیہڑا تہاڈے نال ویر رکھو اوہدا بھلا کرو۔

31۔ تے جیویں تسی چاؤندے او پئی لوک تہاڈے نال کرن تسی وی اوہناں نال اونج ای کرو۔

32۔ تے جے تسی اپنے پیار کرن والیاں نال ای پیار کرو تے تہاڈا کیہ احسان اے؟ کیوں جے پاپی وی اپنے پیار کرن والیاں نال پیار کردے نیں۔

33۔ تے جے تسی اوہناں دا ای بھلا کرو جیہڑے تہاڈا بھلا کر دے نیں تے تہاڈا کیہ احسان اے؟ کیوں جے پاپی وی ایخ ای کر دے نیں۔

35۔ پر تسی اپنے ویریاں نال پیار رکھو تے بھلا کرو تے بغیر نا امید ہوئے قرض دیو تے تہاڈا اجر و ڈھا ہووے گا تے تسی خداوند تعالیٰ دے پتر ٹھہرو گے کیوں جے اوہ ناشکریاں تے بد اُتے وی مہربان اے۔

36۔ جیویں تہاڈا پیور حم کرن والا اے تسی وی رحمدل بنو۔

درسی وعظ

بائبل وچوں

1۔ زبور 103:1 توں 4 آیتاں

1۔ اے میری جان! خداوند نون دھن آکھ تے جو کجھ میرے اندر اے اوہدے پاک نون دھن آکھے۔

2۔ اے میری جان خداوند نون دھن آکھ تے اوہدی کسے نعمت نون نہ بھل۔

3۔ اوہ تیری ساری بدکاری بختند اے۔ اوہ تینوں ساریاں بیماریاں توں شفا دیندا اے۔

4۔ اوہ تیری جان نون ہلاکت توں بچاؤندا اے۔ اوہ تیرے سر اُتے شفقت تے رحمت داتا ج دھر دا اے۔

بائبل دا ایہ سبق پلین فیلڈ کرچن چرچ، آزادولوں تیار ہو یا اے۔ ایہ کنگ جیمز بائبل دیاں آیتاں تے میسرے سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیریاں نال بنیاں۔

2- یسعیاہ 38 باب 1 توں 6 آیتاں

1- اوہناں دناں وچ ای ایچ ہو گیا پئی حزقیاہ اجیہا بیمار ہو گیا پئی مران والا ای ہو گیا تے یسعیاہ نبی آموص دے پتر اوہدے کول آکے اوہنوں آکھیا پئی خداوند آکھدا اے پئی اپنے گھر داسارا انتظام کردے کیوں جے توں مر جانویں گاتے بچن والائیں۔

2- تد حزقیاہ نے اپنا مونہہ کندھ والا کیتا تے خداوند توں دعا کیتی۔

3- تے آکھیا اے خداوند میں تیری منت کرداں یاد کر پئی میں تیرے سامنے سچائی تے پورے دل نال ٹردا رہیاں تے جو تیری نظر وچ چنگا اے اوہ ای کیتا تے حزقیاہ بوہت اچی اچی رویا۔

4- تد خداوند ایہہ کلام یسعیاہ اُتے نازل ہو گیا۔

5- پئی جاتے حزقیاہ نوں آکھ پئی خداوند تیرے پیو داؤد دارب ایچ آکھدا اے پئی میں تیری دعا سنی۔ میں تیرے اتھر وویکھو۔ ایس لئی ویکھ میں عمر پندرہ ورھے ودھادیاں گا۔

6- تے میں تینوں تے ایس شہر نوں شاہ اسوردے ہتھوں بچالواں گاتے میں ایس شہر دی حمایت کراں گا۔

3- متی 4 باب 23 آیت

23۔ تے یسوع سارے گلیل وچ پھر دارہیاتے اوہناں دے عبادتخانیاں وچ تعلیم دیندا تے بادشاہی دی خوشخبری دی منادی کردا تے لوکاں دی ہر طرح دی بیماری تے ننت کمزوری نوں دور کردارہیا۔

4۔ متی 9 باب 18 توں 25 آیتاں

18۔ اوہ ایہہ گلاں آکھ ای رہیا سی پئی ویکھو اک سردار نے آکے اوہنوں سجدہ کیتا تے آکھیا پئی میری دھی ہنہ ای مری اے پر تو آکے اوہدے اُتے اپنا ہتھ رکھ تے اوہ جیوندی ہو جاوے گی۔

19۔ یسوع اُٹھ کے اپنے چیلیاں سمیت اوہدے مگر ٹریا۔

20۔ تے ویکھو اک عورت نے جنہوں بارہ ورہیاں توں خون جاری سی اوہدے مگر آکے اوہدے کپڑیاں دا کٹڈا چھوئیا۔

21۔ کیوں جے اوہ اپنے جی وچ آکھدی سی پئی جے بس اوہدے کپڑے ای چھو لواں گی تے چنگی ہو جانواں گی۔

22۔ یسوع نے پھر کے اوہنوں ویکھیا تے آکھیا دھیئے خاطر جمع رکھ۔ تیرے ایمان نے تینوں چنگا کردتا۔ ایس لئی اوہ عورت اوہسے ویلے چنگی ہو گئی۔

23۔ تے جد یسوع سردار دے گھر وچ آیا تے بانسلی و جاؤن والیاں نوں تے جتھے نوں شور مچاؤندیاں ویکھیا۔

24۔ تے آکھیا ہٹ جاؤ کیوں جے کڑی مری نہیں بلکہ سوندی اے۔ تے اوہ ایہہ سن کے ہسن لگ پئے۔

25۔ پر جدوں جتھے نوں کڈھ دتا گیا تے اوہنے اندر جا کے اوہدا پھڑیا تے کڑی اُٹھی۔

5- یوحنا 8 باب 1 توں 11 آیتاں

- 1- پر یسوع زیتوں دے پہاڑ اُتے گیا۔
- 2- صبح سویرے ای اوہ فیر ہیکل وچ آیا تے سارے لوکی اوہدے کول آئے تے اوہ بیٹھ کے اوہناں نوں تعلیم دین لگیا۔
- 3- تے فقیہ تے فریسی اک عورت نوں لیائے جیہڑا زنا وچ پھڑی گئی سی تے اوہنے وچکار کھڑا کر کے یسوع نوں آکھیا۔
- 4- اے اُستاد! ایہہ عورت عین فعل دے دوران پھڑی گئی اے۔
- 5- توریت وچ موسیٰ نے ساہنوں حکم دتا اے پئی اجیہیاں عورتاں نوں سنسار کرو۔ فیر توں ایس عورت دے بارے کیہ آکھد ایس؟
- 6- اوہناں نے اوہنوں آزمان لئی آکھیا سی تاں جو اوہدے اُتے الزام لاؤن دا کوئی چارہ کرن پر یسوع جھک کے انگلی نال دھرتی اُتے کجھ لکھن لگ گیا۔
- 7- جد اوہ اوہنوں سوال کردے ای رہے تے اوہنے سدھے ہو کے اوہناں نوں آکھیا پئی جیہڑا تہاڑے وچوں بے گناہ ہووے اوہ ای پہلاں اوہنوں پتھر مارے۔
- 8- تے فیر جھک کے دھرتی اُتے انگلی نال لکھن لگ گیا۔
- 9- اوہ ایہہ سن کے وڈھے توں لے کے نکلے تک اک اک کر کے نکل گئے تے یسوع کلاہ ای رہ گیا تے اوہ عورت وچکار کھڑی رہ گئی۔
- 10- یسوع نے سدھے ہو کے آکھیا اے عورت ایہہ لوک کتھے گئے؟ کیہ کسے نے تیرے اُتے حکم نہیں دتا؟

11- اوہنے آکھیا اے خداوند کسے نے نہیں۔ یسوع نے آکھیا میں وی تیرے اُتے کوئی حکم نہیں دیندا۔ جا۔ فیر
پاپ نہ کریں۔

6- لوقا 15 باب 1 توں 10 آیتاں

- 1- سارے محصول لین والے تے پاپی اوہدے کول آؤندے سی تاں جو اوہدیاں گلاں سنن۔
- 2- تے فریسی تے فقیہ بڑبڑا کے آکھن لگے ایہہ بندہ پاپیاں نال ملدا تے اوہناں نال کھانا کھاندا اے۔
- 3- اوہنے اوہناں ایہہ تمثیل آکھی پئی۔
- 4- تہاڈے وچوں کون اجیہا بندہ اے جیدے کول سو بھیدھاں ہوں تے اوہناں وچوں اک گواچ جاوے تے
ننانویاں نوں بیابان وچ چھڈ کے اوس گوچی ہوئی نوں جدوں تیکر اوہ مل نہ جاوے لبھدا نہ رہوے؟
- 5- فیر جد مل جاندی اے تے خوش ہو کے اوہنوں موڈھیاں اُتے چک لیندا اے۔
- 6- تے گھر آ کے یاراں تے گوانڈیاں نوں بلاؤندا اے تے آکھدا اے میرے نال خوشی کرو کیوں جے میری
گواچی ہوئی بھید مل گئی اے۔
- 7- میں تہانوں آکھدا اوں پئی ایسے طراں ننانوے راستبازاں دی بجائے جنہاں نوں توبہ دی لوڑ نہیں اک توبہ
کرن والے پاپی دے پاروں اسمان اُتے بوہتی خوشی ہووے گی۔
- 8- یا کون اجیہی عورت اے جیدے کول دس درہم ہوں تے اک گواچ جاوے تے اوہ چراغ بال کے گھر
وچ جھاڑو نہ دیوے تے جد تیکر مل نہ جاوے کوشش نال اوہنوں لبھدی نہ رہوے؟

9- تے جد بھ جاوے تے اپنیاں سیہلیاں تے گوانڈناں نوں بلا کے نہ آکھے پئی میرے نال خوشی کرو کیوں
جے میرا گواچا ہو سیادر ہم بھ گیا اے۔

10- میں تہانوں آکھداواں پئی اک توبہ کرن والے پاپی دے پاروں رب دیاں فرشتیاں دے سامنے خوشی
ہندی اے۔

7- عبرانیوں 10 باب 23، 24 آیتاں

23- تے آس دے اقرار نوں مضبوطی نال پھڑکے رکھے کیوں جے جنسے وعدہ کیتا اے اوہ سچا اے۔

24- تے پیار تے نیک کماں دی ترغیب دین لئی اک دو جے دالجاظر رکھے۔

سائنس تے صحت

1- 23:2 (رب پیارے) بس

رب پیارے۔

2- 4:2:13

پیار اپنی موافقت تے اپنیاں نواز شاں وچ غیر جانبدار تے عالمگیر اے۔ اوہ کھلا چشمہ اے جیہڑا چھیندا اے
پئی، ”اوہ، ہر اوہ بندہ جیہڑا تریا یاہ اے پانی دے کول آوے۔“

3- 13:29:566

پرانا عہد نامہ فرشتیاں نوں رب دے الہی سنیے، مختلف کم سونپدا اے۔ میکائیل دی خاصیت روحانیت دی
مضبوطی اے۔ اوہ پاپ دی طاقت، شیطان دے خلاف لشکراں دی راہنمائی کردا اے، تے پاک لڑائی لڑدا
اے۔ جبرائیل دے کول از لوں موجود پیار دے بارے شعور نوں اجاگر کرن دی ذمہ داری اے۔ ایہہ فرشتے
ساہنوں گہرائی توں بچاندے نیں۔ سچائی تے محبت افسوس دے موقع اُتے نیسڑے آجانداں نیں، جدوں
مضبوط ایمان تے روحانی طاقت آپس وچ کشتی کردی تے رب دے فہم دے پاروں بھیلدی اے۔ اوہدی
حضوری دے جبرائیل دا کوئی مقابلہ نیں۔ لامتناہی ہمیشہ موجود محبت لئی سب کجھ محبت اے، تے کوئی
غلطی، پاپ، بیماری نیں تے نہ موت اے۔ پیار دے خلاف جگر بوہتی دیر تیکر نیں لڑدا کیوں جے اوہ الہی
اصول دے ہتھوں مار یا جاندا اے۔ سچائی تے محبت جگر دے خلاف چھا جانداں نیں کیوں جے جگر اوہناں
دے نال لڑنیں سکدا۔ ایس لئی بدن تے روح دے درمیان لڑائی مک جاندی اے۔

4- 21-17:454

شفاتے تعلیم دونواں وچ رب تے انسان نال پیار سچا پیار اے۔ پیار راہ نوں متاثر کردا، روشن کردا، چن داتے
راہنمائی کردا اے۔ درست مقصد خیالاں نوں شہ دیندے، تے کلام تے اعمالاں نوں طاقت تے آزادی
دیندے نیں۔

5- 11-6:19

یسوع نے انسان نوں پیار دا اصلی فہم، یسوع دیاں تعلیمیاں دا الہی اصول دیندیاں ہوئے رب دے نال راضی
ہوون وچ مدد کیتی، تے پیار دا ایہہ اصلی فہم روح دے قانون، الہی پیار دے قانون دے راہیں انسان نوں
مادے، پاپ تے موت دے قانون توں آزاد کردا اے۔

6- 23-19:52

”ڈو کھی بندہ“ مادی حیاتی تے ذہانت دے عدم نوں تے قادر جامع رب، چنگیائی دی قادر اصلیت نوں چنگی
طراں سمجھدا اے۔ شفا سیان یا کر سچن سائنس دے ایہہ افضل نکلتے نیں جنہاں نے اوہنوں محبت نال لیس
کیتا۔

7 - 28-20:359

پوریتانی خاندان وچوں کر سچن سائنس دی دریافت کرن والی نے اپنی پہلی مسیحی تعلیم حاصل کیتی۔ بچپن وچ، اوہ کئی واری ایہناں لفظاں نوں سن کے مزہ لیندی سی جیہڑے اوہدی پاکبازماں دے مونہہ وچوں نکلدے سی، ”رب تینوں بیماری وچوں کڈھوں دے قابل اے“؛ تے اوہ ایس حوالے دے مطلب اُتے غور کر دی سی جیہڑا اوہ پڑھدی سی پئی: ”ایمان لیاؤن والیاں دے وچکار ایہہ معجزے ہون گے۔۔۔ اوہ بیمار اُتے ہتھ دھرن گے تے اوہ چنگے ہو جان گے۔“

8 - 5:26 (یسوع)۔ 21-27

یسوع ساڈے لئی صرف اک انفرادی تجربہ محفوظ نہیں رکھدا، جے اسی وفاداری دے نال اوہدے حکماں مگر ٹر دے آں، تے سارے غمگین جدوجہد داپیالہ لیندے آں تاں جوں اوہدے نال اپنی محبت دے اظہار دے تناسب وچ پین، جدوں تیکر پئی سارے الہی محبت دے پاروں مکتی نہ پالین۔

سچائی دے بارے یسوع دی تعلیم تے اوہدی مشق وچ اک قربانی شامل ہندی اے جیہڑی ساہنوں ایہدے اصول نوں محبت دے طور تے قبول کرن ول لے جاندی اے۔ ایہہ ساڈے مالک دی بے گناہ حیاتی تے موت اُتے اوہدی قدرت دے اظہار دی قیمتی درآمد سی۔ اوہنے اپنے کماں نال ایہہ ثابت کیتا پئی کر سچن سائنس بیماری، پاپ تے موت نوں تباہ کر دی اے۔

9- 19-15:365

جے سائنسدان الہی محبت دے پاروں اپنے مریض تیکر اڑد اے، تے شفا سیہ کم اک ای آمد وچ مکمل ہو جاوے
گا، تے بیماری اپنے آبائی عدم وچ غائب ہو جاوے گی جیویں پئی فجر دے ویلے سورج دی لوتوں پہلاں تریل
ہندی اے۔

10- 21-12:366

اوہ طبیب جیہڑا اپنے ساتھی انسان لئی ہمدردی دی کمی رکھد اے انسانی احساس وچ نا مکمل اے، تے ایہہ آکھن
لئی ساڈے کول رسولی فرمان اے پئی: ”جیہڑا اپنے بھرانال جنہوں اوہنے دیکھیا اے پیار نہیں رکھد اوہ رہ
نال وی جنہوں اوہنے نہیں دیکھیا پیار نہیں رکھ سکدا۔“ ایس روحانی احساس دے نہ ہندیاں ہوئے، طبیب الہی
سیان اُتے یقین دی کمی رکھد اے تے اوہ لا محدود پیار نال واقف نہیں اے جیہڑا کلا شفا سیہ طاقت عطا کردا
اے۔ ایس طراں دے نام نہاد سائنسدان متعصب خود نمائی دے اونٹھ کھاندیاں ہوئے مکھیاں نوں باہر
کڈھدے جان گے۔

11- 9-3:367

کسے بندے لئی نرم لفظ تے مسیحی حوصلہ افزائی، اوہدے خدشیاں لئی رحم تے صبر کرنا تے اوہناں نوں مکاؤناں
اجیہی جذباتی اکٹھی قربانیاں والے نظریاں، دقیاںوسی اُدھار لیناں ہونیاں تقریراں تے بحثاں نالوں بوہت چنگا
اے جیہڑا الہی محبت دی شعلہ زن جائز کر سچن سائنس دی مضحکہ خیز نقل دے سوا کچھ نہیں۔

12- 13-10:454

محبت تخت نشین اے۔ بدی یا مادے وچ نہ ذہانت اے نہ قوت اے، ایہہ کر سچن سائنس دا مطلق عقیدہ اے،
تے ایہہ اک وڈھی سچائی اے جیہڑی غلطی دے سارے بہر وپاں نوں بے نقاب کر دی اے۔

13- 13-7:337

اصلی خوشی نہیں انسان نوں اپنے اصول، الہی محبت دے نال ہم آہنگ ہونا چاہیدا اے؛ پتر نوں پیو دے نال،
مسیح وچ مطابقت دے نال اکٹھیاں ہونا چاہیدا اے۔ الہی سائنس دے مطابق انسان دا درجہ اونچ دا ای کامل
اے جیہو جی اوہ سیان اے جیہڑی اوہنوں بناؤندی اے۔ ہستی دی اصلیت انسان نوں ہم آہنگ تے لافانی
بناؤندی اے، جد کے غلطی فانی تے بے ہنگم اے۔

14- 18-14:570

لکھاں غیر جانبدار سیاناں، سچیاں دے سادہ لو متلاشی، فکر مند خانہ بدوش، صحرا دے تریائے، آرام تے پین
دے متلاشی تے اڈیک کرن والے نیں۔ مسیح دے ناں تے اوہناں نوں ٹھنڈے پانی دا اک پیالہ دیو، تے
نتیجیاں توں کدی نہ ڈرو۔

15- 30-23:57

محبت فطرت نوں وسیع کر دیاں ہوئے، پاک کر دیاں ہوئے تے اچی کر دیاں ہوئے اوہنوں سجاؤندی اے۔
دھرتی اُتے جاڑے دے دھماکے محبت دے پھلاں نوں اکھاڑ سکدے نیں تے اوہناں نوں، ہنیری وچ کھلار
سکدے نیں، پر بدنی تعلقات دی ایہہ علیحدگی رب دے نال ہو ر نیڑے ہوون دی سوچ نوں اکٹھا کر دی اے،
کیوں جے محبت اوس ویلے تیکر جدوجہد کرن والے دل دی حمایت کر دی اے جد تیکر اوہ دھرتی اُتے ساہ لینا
نئیں چھڈ دیندے تے آسمان اُتے پرواز لئی اپنے پر کھولنا شروع نئیں کردا۔

16- 18-32:577

میٹھاں لکھے ہوئے زبور وچ اک لفظ، بھانویں بوہت ہلکا جیہا، اوس لونوں ظاہر کردا اے جیہڑا کر سچن سا سنس
لفظ بدنی فہم نوں رب سے غیر بدنی یار روحانی فہم دے لفظ دے نال بدل دیاں ہوئے کلام اُتے آؤندی اے۔

زبور 23

[الہی محبت] میرا چوپان اے؛ مینوں کمی نہ ہووے گی۔

[محبت] مینوں ہری ہری چراگا ہنواں وچ بٹھاؤندا اے؛ [محبت] مینوں راحت دے چشمیاں دے کول لے
جاندا اے۔

[محبت] میری جان [روحانی فہم] نوں بحال کردا اے؛ [محبت] مینوں اپنے ناں دی خاطر صداقت دیاں
راہواں اُتے لے ٹردا اے۔

بلکہ بھانویں موت دے پر چھانویں دی وادی وچوں میرا لنگناں ہووے میں کسے بلا توں نئیں ڈراں گا؛ کیوں
جے [محبت] میرے نال اے؛ [محبت] دا [عصا تے] محبت دی [لاٹھی توں مینوں تسلی اے۔

[محبت] میرے ویریاں دے سامنے میرے آگے دسترخوان وچھاؤندا اے؛ [محبت] نے میرے سر اُتے تیل
ملیا اے؛ میرا پیالہ بھر جاندا اے۔

یقینا بھلیائی تے رحمت ساری عمر میرے نال رہن گیاں میں ہمیشہ [محبت] دے گھر وچ [شعور وچ] سکونت
کراں گا۔

17- 3:248 بس

محبت دکشتی توں اپنیاں اکھیاں کدی نہیں ہٹاؤندی۔

روزانہ دے فرض

میری بیکرا ایڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچیاں، حیاقی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوٹیل، آرٹیکل VIII، سیکشن 4۔

مقصد اں تے کماں دا اک اصول

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میری بیکرا ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیراں نال بنیاں۔

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کرداے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دااے۔ ایس چرچ دے سارے رکنوں سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہیداے تے دعا کرنی چاہیدی اے۔

چرچ مینوٹیل، آرٹیکل VIII، سیشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہ انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیشن 6۔